

SOC 91/2019 MALAYSIAN NIGHT

airforce.mil.my/berita/berita-dari-pusat-latihan/4541-soc-91-2019-malaysian-night





TANJUNG BUNGAH, 14 Feb 19 - Institut Kepimpinan dan Pengurusan (INSKEP) Pulau Pinang telah mengadakan Majlis Malaysian Night yang dianjurkan oleh Sindikit Alfa Penuntut 'Squadron Officer Course' (SOC) Siri 91/19 di Dewan Terbuka INSKEP.

Turut hadir di majlis tersebut Panglima Pendidikan dan Latihan Udara, Lt Jen Dato' Mohd Asghar Khan bin Goriman Khan TUDM, Ketua Staf MPPLU, Brig Jen Dato' Haji Sanusi bin Haji Samion TUDM, Pengarah Kurikulum MPPLU, Kol Thamilanty A/L Periasamy TUDM, Pegawai Memerintah INSKEP, Lt Kol Nurul Amir bin Othman TUDM, pegawai-pegawai Kanan, Instructors Council dan Penuntut Kursus 'Basic Trainer Course' (BTC) Siri 262/19.

Antara aktiviti yang dianjurkan dalam majlis ini pameran gerai kebudayaan, persembahan oleh setiap Sindikit, 'game shows', persembahan 'live cooking' makanan etnik tradisional seperti tosei, dim sum, wantan, nasi kerabu, ayam percik kelantan, pangsoh dan putu piring. Acara turut dimeriahkan dengan penyampaian hadiah dan ucapan dari Pegawai Memerintah INSKEP.

SOC Malaysian Night adalah satu daripada 3 'Assessed Activities' yang perlu dilaksanakan oleh penuntut SOC sebagai memenuhi keperluan kurikulum kursus. Intipati aktiviti dalam program Malaysian Night ini juga adalah bagi mempamerkan kehalusan, keindahan dan keunikan kebudayaan, kepelbagaian etnik dan kaum di Malaysia kepada penuntut luar negara yang turut menyertai kursus SOC. Aktiviti yang telah sekian lama dilaksanakan ini telah banyak mencungkil bakat-bakat baharu pegawai TUDM dalam bidang pengacaraan, pengelolaan majlis, kreativiti hiasan, pengurusan multimedia, penyediaan makanan dan juga pengurusan bajet.